

1906

Fimmtudaginn 26. nóvember 1992.

Nr. 52/1992. **Ákærvaldið**

(Bragi Steinarsson vararíkissaksóknari)
gegn

Rúnari Ingva Eiríkssyni

(Magnús Thoroddsen hrl.).

Þjófnaður. Fjársvik. Skjalafals. Bifreiðar. Akstur án ökuréttinda.

Dómur Hæstaréttar.

Mál þetta dæma hæstaréttardómararnir Hrafn Bragason, Haraldur Henrysson og Pétur Kr. Hafstein.

Ríkissaksóknari skaut máli þessu til Hæstaréttar með áfrýjunarstefnu 21. janúar 1992 að ósk ákærða, en einnig af hálfu ákærvalds til þyngingar á refsingu.

Í ákæruskjali 6. maí 1991 er innbrot ákærðu í Fossvogskirkju í Reykjavík réttilega fært til 244. gr. almennra hegningarlaga, sbr. 20. gr. sömu laga. Rétt hefði verið, að innbrot ákærðu í Kópavogskirkju hefði verið fært til refsíákvæða með sama hætti.

Við ákvörðun refsingar ber að vísa til 77. gr. og 78. gr. almennra hegningarlaga nr. 19/1940. Ákærði játaði brot sín og skýrði hrein-skilnislega frá öllum atvikum að þeim, sbr. 9. tl. 74. gr. almennra hegningarlaga. Niðurstaða hins áfrýjaða dóms verður því staðfest, að því er ákærða varðar, að öðru leyti en því, að gæsluvarðhaldsvist hans frá 17. til 25. mars 1991 skal koma dæmdri refsingu til frádráttar með fullri dagatölu. Ákærði skal greiða allan áfrýjunarkostnað sakarinnar, eins og í dómsorði greinir.

D ó m s o r ð:

Hinn áfrýjaði dómur á að vera óraskaður, að því er varðar ákærða, Rúnar Ingva Eiríksson, að öðru leyti en því, að gæsluvarðhaldsvist hans frá 17. til 25. mars 1991 skal koma dæmdri refsingu til frádráttar með fullri dagatölu.

Ákærði greiði allan áfrýjunarkostnað sakarinnar, þar með talin saksóknarlaun í ríkissjóð, 30.000 krónur, og málsvarnarlauð skipaðs verjanda síns fyrir Hæstarétti, Magnúsar Thoroddsen hæstaréttarlögmanns, 30.000 krónur.

1907

Dómur sakadóms Akureyrar 12. nóvember 1991.

Mál þetta, sem dómtekið var 8. nóvember sl., hefur ríkissaksóknari höfðað hér fyrir sakadómi Akureyrar með sex ákærum, út gefnum 12. apríl 1991, 6. maí 1991, 18. júní 1991, 20. júní 1991, 5. júlí 1991 og 9. ágúst 1991, á hendur X [...], Rúnari Ingva Eiríkssyni, Norðurgötu 58, Akureyri, fæddum 29. janúar 1968, fæðingarnúmer 309, Y [...] og Z [...].

— — —

B.

I. Ákærðu X og Rúnari Ingva er gefið að sök:

1. Að hafa aðfaranótt föstudagsins 18. janúar brotist inn í húsnæði fyrir-tækisins Rúmfatalagersins, Óseyri 4, Akureyri, og stolið 32.000 krónum.

2. Aðfaranótt fimmtudagsins 14. febrúar brotist inn í barnaheimilið Sælukot, Þorragötu 1, Reykjavík, og stolið fimm tékkheftum, útvarpstæki, leifturljósi og tékka, að fjárhæð 18.000 kr.

3. Sunndaginn 3. mars brotist inn í Setbergsskóla, Hlíðarbergi, Hafnar-firði, og stolið myndbandstæki, myndbandsupptökuvél, ljósmyndavél, aðdráttarlinsu, leifturljósi, tveimur töskum og um 20.000 krónum.

4. Aðfaranótt föstudagsins 8. mars brotist inn í Varmárskóla í Mosfells-bæ, unnið þar spjöll við leit að fjármunum og stolið um 50.000 krónum, tveimur tékkheftum og myndbandsupptökuvél.

5. Aðfaranótt sunnudagsins 10. mars brotist inn í húsnæði skipasmíða-stöðvarinnar Varar hf., Óseyri 16, Akureyri, unnið þar spjöll við leit að peningum og stolið tveimur tékkheftum og um 20.000 krónum.

6. Aðfaranótt miðvikudagsins 13. mars brotist inn í húsnæði fyrirtækj-anna Plastiðjunnar Bjargs, Sjálfsbjargar og Akopokans á Akureyri, unnið þar mikil spjöll í leit að fjármunum og stolið 39.954 krónum í húsnæði Sjálfsbjargar.

7. Aðfaranótt föstudagsins 15. mars 1991 brotist inn í verslunina Svarf-dælu á Dalvík, brotið þar upp hurðir og fjóra afgreiðslukassa og stolið um 70.000 krónum, tvennum leðurhönskum og fimm vindlingapökkum.

Telst þetta varða við 244. gr. almennra hegningarlaga nr. 19, 1940.

8. Í framhaldi af innbrotinu samkvæmt ákærulið I, 2, staðið saman að því að nota í staðgreiðsluviðskiptum eftirgreinda tékka, sem þeir skiptust á að gefa út til handhafa í eigin nafni á eyðublöð úr tékkheftum frá Bún-aðarbanka Íslands, Reykjavík, sem þeir höfðu komist yfir í innbrotinu, án þess að eiga innstæðu fyrir andvirði tékkanna, sem ákærðu deildu með sér.

A. Tékkar frá Melaútibúi Búnaðarbankans, gefnir út af ákærða Rúnari Ingva á reikning nr. 4114:

[16 tékkar, fjárhæð samt. 88.350 krónur].

B. Tékkar frá Miðbæjarútibúi Búnaðarbankans, gefnir út af Jóhanni Ragnari á reikning nr. 3058:

[9 tékkar, fjárhæð samt. 48.300 krónur].

9. Í febrúar staðið saman að því að nota sem greiðslu í bifreiðaviðskiptum á Aðalbílasölunni við Miklartorg í Reykjavík skuldabréf, að fjárhæð 340.000 kr., út gefið af ákærða X 6. febrúar 1991, sem ákærðu höfðu falsað með því að rita á bréfið nöfn tilgreindra ábyrgðarmanna, þeirra Björns Bjarnasonar, kt. 070753-324, og Bjarna Stefánssonar, 090641-395.

Telst þetta varða við 1. mgr. 155. gr. almennra hegningarlaga.

II. Ákærðu X, Rúnari Ingva og Y er gefið að sök:

1. Að hafa aðfaranótt sunnudagsins 24. febrúar brotist í þjófnaðarskyni inn í Kópavogskirkju, en horfið af vettvangi eftir árangurslausa leit að peningum.

2. Síðastgreinda nótt brotist í þjófnaðarskyni inn í Fossvogskirkju í Reykjavík og leitað þar peninga án árangurs.

3. Síðastgreinda nótt brotist inn í Heyrnleysingjaskólann við Vesturhlíð í Reykjavík og stolið um 45.000 krónum og tveimur myndavélum.

III. Ákærðu er öllum gefið að sök:

1. Að hafa aðfaranótt miðvikudagsins 27. febrúar brotist inn í Sjólastöðina hf., Óseyrarbraut 5-7, Hafnarfirði, unnið þar mikil spjöll í leit að fjármunum og stolið um 1.000 krónum og tveimur tékkheftum.

2. Síðastgreinda nótt brotist inn í söluturn að Miðvangi 41, Hafnarfirði, og stolið 10-20 vindlingalengjum, 10 vindlapökkum, sælgæti og um 5.000 krónum.

3. Brotist sömu nótt inn í Varmárskóla, Mosfellsbæ, brotið þar upp hurðir og stolið 32.665 krónum.

Telst háttsemin samkvæmt ákæruliðum II og III varða við 244. gr. almennra hegningarlaga nr. 19, 1940, og samkvæmt lið II, 2, jafnframt sbr. 20. gr. sömu laga.“

— — —

D.

Á hendur ákærða X og Rúnari Ingva:

„Fyrir tékkasvik með því að hafa í febrúar 1991 gefið út og notað saman eftirtalda fjóra tékka á stolnum eyðublöðum úr tékkhefti frá Búnaðarbanka Íslands, Miðbæjarútibúi, en ákærði Rúnar Ingvi gaf út þann fyrsttalda og notaði reikningsnúmerið 4114 og ákærði X hina þrjá með reikningsnúmeri 3058. Tékkarnir eru allir til handhafa, dagsettir 16/2 1991:

1-2. Nr. 1524567, 5.000 kr., og nr. 0675220, 5.000 kr. Báðir notaðir í söluskála Esso á Blönduósi.

3. Nr. 0675222, 12.000 kr. Notaður í kjörbúð Kaupfélags Vestur-Húnavetninga, Hvammstanga.

1909

4. Nr. 0675223, 10.000 kr. Notaður í Staðarskála, Hrútafirði.

Telst þetta varða við 248. gr. almennra hegningarlaga nr. 19, 1940.“

E.

Á hendur ákærða Rúnari Ingva:

„Fyrir að aka að kvöldi þriðjudagsins 5. mars 1991, sviptur ökuréttindum ævilangt, bifreiðinni Y-14418 frá Umferðarmiðstöðinni við Vatnsmyrarveg 10 í Reykjavík um götur í borginni að Hraunbergi 4, þar sem lögreglan hafði afskipti af honum.

Telst þetta varða við 1. mgr. 48. gr., sbr. 1. mgr. 100. gr. umferðarlaga nr. 50, 1987.“

— — —

Ákærðu hafa öll hér fyrir dóminum játað brot sín eins og þeim er lýst í ákærum og að framan er rakið. Játning þeirra er í samræmi við framburð þeirra fyrir lögreglu og önnur gögn málsins. Þykja brot þeirra því nægjanlega sönnuð, og varða þau við lagagreinar þær, er tilgreindar eru í ákærunum.

Ákærði Rúnar Ingvi hefur sætt refsingum sem hér segir:

[Sakavottorð tilgreinir eina sekt fyrir brot gegn 248. gr. hgl. og einn dóm, 2 mánaða fangelsi, fyrir þjófnað (1991), einnig dóma fyrir ölvunarakstur og 5 sektir fyrir ýmis brot].

— — —

Refsing ákærða Rúnars Ingva þykir hæfilega ákveðin fangelsi tíu mánuði.

— — —

Í málinu hafa verið lagðar fram um það bil 50 skaðabótakröfur frá ýmsum aðilum á hendur ákærðu, ýmist hverju fyrir sig eða fleirum saman, og er kröfur þessar að finna hér og hvar í gögnum málsins. Þykir skýring á kröfum þessum vera til verulegs óhagræðis í málinu og því rétt að vísa þeim frá með vísan til 145. gr. laga nr. 74, 1974.

Að lokum ber að dæma ákærðu til greiðslu alls sakarkostnaðar, þ. á m. málsvarnarlauna skipaðs verjanda síns, Björns Jósefs Arnviðarsonar héraðsdómslögmanns, 50.000 kr., auk virðisaukaskatts þannig: Ákærða Z greiði 1/10 hluta málskostnaðar, en 9/10 hluta hans greiði ákærðu Rúnar Ingvi, Y og X.

Dóm þennan kvað upp Freyr Ófeigsson héraðsdómari.

1910

D ó m s o r ð:

Ákærði Rúnar Ingvi Eiríksson sæti fangelsi tíu mánuði.

— — —

Skaðabótakröfum er vísað frá dómi.

Ákærðu greiði allan kostnað sakarinnar, þ. m. t. málsvarnarlaun skipaðs verjanda síns, Björns J. Arnviðarsonar héraðsdómslögmanns, 50.000 kr., að viðbættum virðisauka-skatti, þannig: ákærða Z að 1/10 hluta, en aðrir hinna ákærðu að 3/10 hlutum hver.

Dómi þessum ber að fullnægja með aðför að lögum.
